

Al murnèe

Un mistee in mesa a machinari de cunfusion,
tra sach de melgon e de farina bianca e anca gialda,
muviment de machinari per mesu d' una roda,
muvuda cunt al pasàcc de l' acqua, al pasàcc
d' una rogia, che la purtava l' ecunumia...duè la masna
la girava per trjà al necesari de trasfurmàasion.

Tocc andavan a purtà i sò sach per vèga
la nutrision necessaria per mangià.....

In so al carèt tanti sach de masnà.....

Scarga, met tot nela tramogia, e ala fen
La farina l' era pronta per pudè fa pulenta,
la mulidura, la pudiva vèss pagada per mesu
di ghej, o altriment una part del masnà,
al murnèe, l' era un persunacc particular,
cunt i residui de lavurasion, al gh' era semper
assicurà, al mangià per toc i sò famigliar.

Un trambost de frecàss, dala matina ala sira,
al cumenciàva a moeuff la senton di machinari,
al cuntrulàva i muviment, e l' àspatava i pretendent,

“ Murnèe, go un po de premura, pudi fa prest? “

“ Dai Mariètt, purti che sto sach ch'el masnèm “

E via al triturament de trasfurmasion, un pulveron
per tot al mulen....” Ecù fàa, si sudisfada? “

“ Grasiè tant, murnèe.....” El machinari aspetava

Un olter client, un via vai maj finii.....

Spurch de farina bianca e gialda, al purtava
Avanti al sò mistee.....po' la perfesion tecnologica
la cambià la manera de fursionà,
la profersion del murnèe la ghè a mò,
ma la rogia cunt la roda l' è sulament per i temp pasa.

17-10-2017